

LU VENNIRI MATINU

Lu venniri matinu agghiorna chiaru, La Matri Santa si misi 'n caminu
'Ncuntrannu a San Giovanni pi la via Ci dissi : Unni sta' jennu O Matri mia.
Vaiu circannu a Gesù Nazzarenu, Ca lu pirdiu e nun lu pozzu asciari.
Dda jiti a la casuzza di Pilatu, Lu truviriti 'nchiusu e 'ncatinatu.
Tuppi Tuppi cu è ddocu d'arrerri ? Sugnu la to' Matruzza Addulurata.
O Santa Matri nun vi pozzu apriri, Chi li jurei mi tennu incatinatu.

Iti ddocu darrerri c'è l'arginteri, Faciti fari aneddu a lu Signuri ;
Aneddu a lu Signuri nun ci staci, Ci su' tri chiova grossi sutta la Cruci.
Mastruzzu Mastru chi arti faciti ? Lu fazzu l'arti di lu falignami ;
Si ci faciti a Cruci a me' Figghiu, Ne longa ne pisanti ci lata a fari ;
Oh cara Matri si fussi ppi mia, Cchiù curta e cchiù liggera ci la faria.
Mastruzzu Mastru chi arti faciti ? Lu fazzu l'arti di lu ciuraru ;
Si ci faciti a Cruna a me' Figghiu, Ne grossa e ne pungenti ci lati a fari ;
Oh cara Matri si fussi ppi mia, Tutta di rosi e gigghi ci la faria.